



Sak nr D- Vår dato: Vår referanse:  
20.04.2017 2007/1442-5019626/2017

Vår saksbehandlar: Direkte telefonnr.: Dykkar dato: Dykkar referanse:  
Njål Gunnar Slettebø 53 42 31 32

HORDALAND FYLKESKOMMUNE  
Postboks 7900  
5020 BERGEN

## HØYRINGSFRÅSEGN FRÅ BØMLO KOMMUNE PÅ AVGRENSA HØYRING AV REGIONAL KYSTSONEPLAN FOR SUNNHORDLAND OG YTRE HARDANGER

Bømlo kommunestyret handsama avgrensa høyring av regional kystsonoplan for Sunnhordland og Ytre Hardanger i møte 27.03.2017 sak 27/17.

Kommunestyret gjorde samrøystes slikt **vedtak**:

1. Bømlo kommune meiner at framlegg til regional kystsonoplan for Sunnhordland og ytre Hardanger eit godt grunnlag for å sikre ei berekraftig forvaltning av sjøareal og strandsona
2. Bømlo kommune meiner at det er positivt at planen gjev rom for vekst og kapasitetsauke i oppdrettsnæringa
3. Innspel frå oppdrettsnæringa om nye akvakulturområder må avklarast i samband med rullering av kommuneplanen for Bømlo
4. Vedkomande mønehøgde på naust.  
Høgde naust skal vera som i kommuneplanen, 5 meter målt frå ferdig golv
5. Kommunen skal inkludera viktige kaste- og låssettingsplassar som er registrert i Fiskeridirektoratet sin kartportal, i sin rullering av kommuneplanen, der dei skal synast som arealføremål fiskeri.

Med helsing  
Bømlo kommune

Njål Gunnar Slettebø  
Landbrukssjef

*Dette brevet er godkjent elektronisk og har derfor inga underskrift*



Dato: 19.02.2017  
Arkivref: 2007/1442-4325/2017 / 501

Saksbehandlar: Njål Gunnar Slettebø  
53 42 31 32  
njal-gunnar.slettebo@bomlo.kommune.no

Sak nr i møte	Utval	Møtedato
29/17	Utval for areal og samferdsel	08.03.2017
27/17	Kommunestyret	27.03.2017

## AVGRENSA HØYRING AV REGIONAL KYSTSONEPLAN FOR SUNNHORDLAND OG YTRE HARDANGER

### Rådmannen sitt framlegg til vedtak:

1. Bømlo kommune meiner at framlegg til regional kystsonoplan for Sunnhordland og ytre Hardanger eit godt grunnlag for å sikre ei berekraftig forvaltning av sjøareal og strandsona.
2. Bømlo kommune meiner at det er positivt at planen gjev rom for vekst og kapasitetsauke i oppdrettsnæringa.
3. Innspel frå oppdrettsnæringa om nye akvakulturområder må avklarast i samband med rullering av kommuneplanen for Bømlo.

### Saksprotokoll i Utval for areal og samferdsel - 08.03.2017

Nytt fellesframlegg frå utvalet om eit nytt pkt. 4, lagt fram av Karsten Fylkesnes (KrF):

Vedkomande mønehøgde på naust.  
Høgde naust skal vera som i kommuneplanen, 5 meter målt frå ferdig golv.

Fellesframlegget lagt fram av Karsten Fylkesnes (KrF) vart samrøystes vedteke.  
Framlegget frå rådmannen pkt. 1-3 vart samrøystes vedteke.

### Innstilling:

Utval for areal og samferdsel **innstiller** samrøystes slik overfor kommunestyret:

1. Bømlo kommune meiner at framlegg til regional kystsonoplan for Sunnhordland og ytre Hardanger eit godt grunnlag for å sikre ei berekraftig forvaltning av sjøareal og strandsona.
2. Bømlo kommune meiner at det er positivt at planen gjev rom for vekst og kapasitetsauke i oppdrettsnæringa.

3. Innspel frå oppdrettsnæringa om nye akvakulturområder må avklarast i samband med rullering av kommuneplanen for Bømlo.
4. Vedkomande mønehøgde på naust.  
Høgde naust skal vera som i kommuneplanen, 5 meter målt frå ferdig golv.

### **Saksprotokoll i Kommunestyret - 27.03.2017**

Sammy Olsen (SP) la fram eit tilleggspunkt slik:

Punkt 5.

Kommunen skal inkludera viktige kaste- og låssettingsplassar som er registrert i Fiskeridirektoratet sin kartportal, i sin rullering av kommuneplanen, der dei skal synast som arealføremål fiskeri.

Framlegget frå Sammy Olsen (SP) vart samrøystes vedteke.

Innstillinga frå utval for areal og samferdsel vart samrøystes vedteken.

#### **Vedtak:**

Kommunestyret gjorde samrøystes slikt **vedtak**:

1. Bømlo kommune meiner at framlegg til regional kystsoneplan for Sunnhordland og ytre Hardanger eit godt grunnlag for å sikre ei berekraftig forvaltning av sjøareal og strandsona
2. Bømlo kommune meiner at det er positivt at planen gjev rom for vekst og kapasitetsauke i oppdrettsnæringa
3. Innspel frå oppdrettsnæringa om nye akvakulturområder må avklarast i samband med rullering av kommuneplanen for Bømlo
4. Vedkomande mønehøgde på naust.  
Høgde naust skal vera som i kommuneplanen, 5 meter målt frå ferdig golv
5. Kommunen skal inkludera viktige kaste- og låssettingsplassar som er registrert i Fiskeridirektoratet sin kartportal, i sin rullering av kommuneplanen, der dei skal synast som arealføremål fiskeri.

**Dokument i saka:**

Brev frå Hordaland Fylkeskommune av 14.02.17

Vedtak kommunestyret 28.09.15 sak 67/15

**Bakgrunn for saka:**

Kommunestyret i Bømlo gav høyringsfråsegn til regional kystsoneplan for Sunnhordland og Ytre Hardanger på møte 28.09.2015.

Kommunestyret gjorde 28.09.15 SAK 67/15 samrøystes slikt **vedtak**:

1. Bømlo kommune meiner at framlegg til regional kystsoneplan for Sunnhordland og ytre Hardanger gir eit godt grunnlag for å sikre ei berekraftig forvaltning av sjøareal og strandsona.
2. Bømlo kommune sluttar seg til innspelet frå Aga Halibut As om at det i denne kystsoneplanen må innarbeidast meira egna areal for framtidig utvikling av lukka teknologi.
3. Innspel frå oppdrettsnæringa om nye akvakulturområder må avklarast i samband med rullering av kommuneplanen for Bømlo.
4. Bømlo kommune er samd i dei konklusjonane som er gjort i høve til programområda Regional kystsoneplanlegging, Sjøtransport og Maritim næring.
5. Bømlo kommune meiner det er viktig å presisera at det skal vera rom for vekst og kapasitetsauke i næringa, utan at dette går på kostnad av auka konfliktnivå. Noverande merdteknologi vil vera den viktigaste produksjonsmetoden i lang tid framover , samstundes som det vil skje ei kontinuerleg utvikling av ny metodikk og produksjonsformer. Det er derfor positivt at framlegget gjer rom for bruk av ny og framtidsretta teknologi.
6. Bømlo kommune viser elles til at både Regional kystsoneplan for Sunnhordland og Interkommunal strandsonenplan for Sunnhordland er samtidig ute på høyring med høyringsfrist 1. oktober. Desse planane er ikkje harmonisert når det gjeld bruk av strandsona. Bømlo kommune meiner at dei føresegner og retningslinjer som vert gjeldande for den Interkommunale strandsonenplanen i Sunnhordland og må verta gjort gjeldande for denne regionale kystsoneplanen for Sunnhordland, og at framlegg til retningslinjer slik dei no ligg føre må ut av denne planen.

**I brev frå Hordaland Fylkeskommune 14.02.2017 står det:**

*Forslag til regional kystsoneplan for Sunnhordland og ytre Hardanger var på offentleg høyring i perioden mai til oktober 2015. Det kom inn 44 skriftlege høyringsuttalar til planframlegget.*

*Planen er bearbeidd etter høyringa og har vore diskutert i prosjektgruppa og styringsgruppa. Det har hausten 2016 vore administrative møter med kommunane, fylkesmannen, fiskeridirektoratet og Sjømat Norge. Som del av prosessen har styringsgruppa i møte 10.02.2017 gått inn for at planen vert sendt på avgrensa høyring til kommunane i planområdet, relevante offentlege etatar og organisasjonar i ein periode på 6 veker.*

*Planen omfattar sjøareal og strandsoner i kommunane Austevoll, Bømlo, Etne, Fitjar, Fusa, Jondal, Kvam, Kvinnherad, Stord, Sveio, Tysnes samt sjøareal i Vindafjord kommune, Rogaland. Planen inneheld fire plantema:*

- *Berekraftig kystzoneplanlegging*
- *Akvakultur*
- *Sjøtransport og maritim næring*
- *Strandsona*

*Høyringsforslaget inneheld plankart og planomtale med mål, retningslinjer, konsekvensutgreiing og handlingsprogram. Det er tilrettelagt digital kartportal for plankart og temakart. Endringane i planframlegget går fram av vedlagt notat.*

*Høyringsfrist er 29.mars 2017.*

I vedlagt Notat- endringar til avgrensa høyring står det:

## **NOTAT**

### **Regional kystzoneplan for Sunnhordland og ytre Hardanger**

#### **- Endringar til avgrensa høyring**

*Ein har i prosessen med kystzoneplanen forsøkt å etablera ein god balanse mellom bruk og vern av sjøområda. Ein del av arbeidet har vore knytt til å finne det rette nivået når det gjeld graden av detaljstyring av den arealavklaringa kommunane skal gjera i neste runde. Retningslinene og plankartet er meint å styrke kommunane i arbeidet med å finne ein god balanse mellom bruk og vern av areal- og naturressursar. Planen har tatt nokre konkrete grep for å avklara balansen mellom bruk og vern, samstundes er planen fleksibel, og gir kommunane handlingsrom til å vurdera lokale tilpassingar der det er hensiktsmessig.*

*I løpet av høyringsperioden kom det inn 44 skriftlege merknadar, samt konkrete tilbakemeldingar i kommunevise møter etter høyringa. Merknadane vil bli oppsummert og kommentert i ein høyringsrapport først når planen blir lagt fram til vedtak. Ein del av merknadane er konkrete arealinnspele. Desse arealinnspele er vurdert individuelt i samsvar med metode nytta i plan til høyring. Planendringane er basert på skriftlege merknadar, kommentarar og innspel i kommunevise møter, prosjektgruppemøte og styringsgruppemøter.*

#### **Endringar i planomtalen**

1. *Retningslinene er samla i eige kapittel.*

2. *Retningslinene er revidert med følgjande:*

- Betre kopling mellom plankart og retningslinene.*
- Tydleggjort verknad og rammer for planen*
- Tydeleggjering av retningslinene for arealsone landskapsområde*
- Sikra moglegheit for lokalt handlingsrom for ny teknologi og nye artar knytt til havbruksnæringa.*
- Forenkling av retningslinjer for strandsona*

3. *Konsekvensutgreiinga er samla i eige kapittel.*

4. *Metodikken nytta i planen er lagt inn i planomtalen slik at metodevedlegg i høyringsforslaget er fjerna.*

5. *Planomtalen er utvida med omsyn til referansar til retningslinene og oppdatert kunnskapsgrunnlag t.d. naturmangfaldslova, kystlynghei, anadrom fisk/vassdrag og vandringsruter.*

### **Endring i plankartet**

Omsynssonene i plankartet er erstatta med arealsoner etter Nasjonal produktspesifikasjon for arealplan (KMD). Teiknereglane for regional plan er under utvikling og vert truleg revidert i løpet av 2017.

#### **1. Akvakultur:**

- a) *Oppdatering i høve til godkjente akvakulturlokalitetar per januar 2017 (kjelde: Fiskeridirektoratet) som medfører at nokre areal er teke ut, endra eller at det er lagt inn nye areal.*
- b) *Areal avsett i gjeldande kommuneplanar er inkludert i plankartet. Det er gjennomført ei vurdering for å kunne avsette større samanhengande område til akvakultur. Areala er også vurdert i tråd med same metodikk som nytta i plan til høyring. Det er nokre få kommuneplanavklarte areal som ikkje er teke med i plankartet på bakgrunn av dette.*
- c) *Nokre av arealinnspele til høyring er teke inn i plankartet. Det er gjennomført ei vurdering av innspele i tråd med same metodikk som nytta i plan til høyring.*

#### **2. Regionalt viktige område for landskap, natur, friluftsliv og kulturminne.**

- a) *Omsynssone for regionalt viktige område for landskap, natur, friluftsliv og kulturminne er erstatta med arealsone landskapsområde.*
- b) *Endring av avgrensinga slik at godkjente lokalitetar og kommuneplanføre mål til akvakultur ligg utanfor arealsone landskapsområde, med unntak av Fitjarøyane.*
- c) *Sone kring Fjelbergøy – Borgundøy er teke ut og erstatta med sone kring Romsaøyane. Sone kring Fyksesund er utvida til å også omfatte areal kring Norheimsund og Øystese.*

#### **3. Omsynssone for korallar vert endra til arealsone for naturmangfald i sjø.**

#### **4. Omsynssone for forslag til marint verneområde er teke ut av plankartet og sikra i retningslinene.**

### **Regional kystsonesplan for Sunnhordland og ytre Hardanger-høyringsutgåve 13.02.17**

*Her tek me med eit kort utdrag:*

#### **1. Innleiing.** *I planprogrammet er følgjande sett som føremål for planarbeidet:*

*Føremålet med planarbeidet er å sikre ei berekraftig forvaltning av sjøareal og strandsone i Sunnhordlandsregionen og ytre Hardanger. Planarbeidet skal sikre gode rammevilkår for havbruksnæringa som ei stor og viktig næring i regionen, samt maritim sektor med trygge farleier, hamneområde og sjøretta næringsareal.*

*Det regionale plankartet og retningslinene er retningsgivande for vidare kommunal planlegging og konsekvensutgreiing. Rettsleg bindande arealbruk vert fastlagt i den kommunale arealplanlegginga etter plan- og bygningslova.*

#### **Metode og plankart**

*Fire plantema er løfta fram i vedteke planprogram:*

- *Berekraftig kystsonesplanlegging*
- *Akvakultur*
- *Sjøtransport og maritim næring*
- *Strandsone*

For kvart tema er det definert egne delmål og retningslinjer. I medhald av forskrift for konsekvensutgreiingar, vert det stilt krav om at verknadane av planforslaget skal skildrast og vurderast. Dette er gjennomført for kvart plantema og føl som ein del av temakapittel. Den overordna konsekvensutgreiinga er samla i eige kapittel etter planomtalen.

Planlegging av kystsona etter plan- og bygningslova er i hovudsak ei oppgåve knytt til arealdisponering og prioritering mellom ulike interesser. Det er eit særskilt behov for å avklare tilhøva mellom interesser som krev eksklusiv bruk av sjøområda. Det er gjennom ei arealanalyse søkt å balansere og prioritere mellom akvakultur og andre sektorinteresser (bruk og vern).

2. **Hovudmål:** Kystsona i Sunnhordland og ytre Hardanger skal nyttast i balanse mellom bruk og vern av areal – og naturressursar og medverka til ei berekraftig samfunns- og næringsutvikling til beste for innbyggjarane og miljøet.

Det skal leggjast til rette for at marine og maritime næringar i området kan utvikla seg vidare til å vere lønsame og konkurransedyktige i eit langsiktig perspektiv.

Det skal leggjast vekt på kunnskapsbasert planlegging og forvaltning i kystsona.

### 3. Berekraftig kystzoneplanlegging

#### 3.1 Delmål

Dei ulike interessene i kystsona skal sikrast god sameksistens. Naturressursane skal ivaretakast som grunnlag for både bruks- og verneinteresser. Verdifulle naturområde, naturmangfald, kystlandskap, kulturminne og kulturmiljø skal sikrast. Høve for allment friluftsliv skal tryggast og forbetrast.

#### 3.2. Marint naturgrunnlag. Naturtypar. Villfisk.

#### 3.3. Fiskeri

Arealbehov knytt til yrkesfiske omfattar i utgangspunktet heile kysten. Fiskarane er avhengige av å kunne følgje fiskebestandane, og dei nyttar kystareala på ein mobil og fleksibel måte. Planområdet har eit rikt fiskerimiljø og kan sjåast på som kjerneområde for kystfiske i Hordaland. Det er registrert fleire hundre fiskebåtar og yrkesfiskarar innanfor planområdet. Mange av desse båtane fiskar i havområda, men har sterk tilknytning til regionen og har behov for tilkomst og plass ved landligge. Kystfiskeflåten og sjarkfiskarar nyttar mellomanna sjøområde som ligg innafør planområdet.

Det er registrert ca. 250 fiskebåtar inntil 20 meter, ca. 40 fiskebåtar over 20 meter, samt ca. 500 yrkesfiskarar innanfor planområdet (2015 tal).

I tillegg til fartøya som driv aktivt kystfiske i området nyttar store deler av havfiskeflåten hamneområde innanfor planområdet, særleg i Austevoll og Bømlo. I planområdet er det registrert 42 fiskerihamner. Plankartet synleggjer fire større fiskerihamnar i planområdet; Salthella, Storebø og Torangsvåg i Austevoll kommune, og Hovlandshagen/Langevåg i Bømlo kommune. Med auka press på utbygging og aktivitet i strandsona må sentrale og viktige fiskerihamner takast vare på og prioriterast for fiskerinæringa. Dette omfattar både land og sjøareal. Dette er forankra i retningsline 2.19.

#### 3.7. Regionalt viktige område for landskap, natur, friluftsliv og kulturminne

Det er kartfesta 14 omsynssoner for regionale område for landskap, natur, friluftsliv og kultur i planområdet. Me tek med dei 3 som gjeld Bømlo:

Fitjarøyane (Fitjar og Bømlo kommune)

Børøyfjorden-Kanalane (Bømlo kommune)

*Espevær-Holsøyane*

### **3.8 Konsekvensar av planframlegget**

#### **Konklusjon:**

*Eksisterande kjent kunnskap er nytta gjennom bruk i analysar, samt føringar i plankart og retningsliner.*

*Dette har medverka til å ivareta:*

- *Kystlandskapet med verdifulle landskapsområde, mangfald av landskapstypar, verdifulle kulturminne*
- *og kulturmiljø.*
- *Trygging og forbetring av moglegheitene for allment friluftsliv.*
- *Balanse mellom bruk og vern av areal- og naturressursar, og god sameksistens mellom dei ulike interessene*
- *i kystsona.*
- *Kunnskapsbasert planlegging og forvaltning, sikring av verdifulle naturområde, samt bruk av føre-var prinsippet.*

*Det er fastsett arealsoner knytt til regionalt viktige område for landskap, natur, friluftsliv og kulturminne, som vil sikre regionale verdier for dei fire tema. Det er lagt føringar for tiltak og inngrep innanfor arealsoner landskapsområde noko som gir avgrensingar for ein del næringsverksemd i desse områda. På eit overordna nivå er det lagt til rette for utvikling av lønsam og konkurransedyktig næringsliv i området, samstundes som verneinteresser er tillagt vekt. Planframlegget er vurdert til å ha positiv konsekvens ved bruk av plankart og retningsliner.*

*Eventuelle tiltak kan få negativ påverknad lokalt. Arealbruk må vurderast i samband med kommuneplanar, og balanse mellom bruk og vern må takast i vare i kommunale planar. Negative konsekvensar er i hovudsak knytt til mangelfull kunnskap, og dette er adressert som tiltak i handlingsplanen.*

*Vedtak om etablering av nye akvakulturanlegg eller utviding av eksisterande skjer gjennom sektorlovverk, og vil såleis ikkje vera ein direkte konsekvens av planframlegget. Det vil truleg ikkje vera aktuelt med utviding av produksjon/kapasitet i planområdet før ein har fått kontroll på dei største miljøutfordringane i planområdet.*

#### **4.1 Akvakultur:**

*Delmål akvakultur:*

*Akvakulturnæringa skal vere framtidsretta og konkurransedyktig gjennom ei miljømessig berekraftig utvikling innanfor rammene av ei berekraftig utvikling.*

#### **4.7 Konsekvensar av planframlegget:**

##### **Konklusjon:**

*Planframlegget har både positive og negative konsekvensar for akvakultur. I nokre område vert det lagt til rette for nye akvakulturområde og utviding av eksisterande, samstundes som det vert sett avgrensingar i andre område. Planframlegget gir totalt sett rom for vekst og kapasitetsauke i næringa når det eventuelt vert aktuelt å auka kapasiteten, og gir rom for bruk av ny teknologi og nye artar.*

*Planen gir opning for lokale tilpassingar, avklaringar og prioriteringar av areala som ligg i regionalplanen på kommuneplannivå. Dette omfattar både storleik på areal, lokalisering og val av*



type arealføremål. Det har ikkje vore eit mål om å regulere produksjonen eller driftsmessige tilhøve i havbruksnæringa gjennom planen, samstundes som det er klart at arealtilgang er eit viktig moment i utviklinga. Sjølv om det er sett av areal i kystsoneplanen til akvakulturføremål, så er det anna lovverk som regulerer kor vidt området kan nyttast i oppdrettssamanheng og eventuelt kor stor produksjon som kan leggjast til dei ulike områda. Konsekvensar knytt til auka produksjon i planområdet er ikkje teke inn i denne planen.

Tilhøve kring produksjonsmengd og –kapasitet vert regulert gjennom anna lovverk enn plan- og bygningslova. Sjølv om det gjennom dette planframlegget vert lagt til rette for ein del nye område til akvakultur, samt for ei utviding av ein del eksisterande lokalitetar, vil ikkje dette automatisk medføre ein auke verken i arealbeslag eller produksjon av laks og regnbogeaure i planområdet.

Planframlegget i seg sjølv har såleis ingen direkte konsekvensar som er relatert til eventuell miljøbelastning frå oppdrettsanlegg.

I praksis vil det ikkje vera tilgang på areal som i dei næraste åra set grenser for produksjonsvekst i planområdet. Dersom næringa løyser utfordringane knytt til lusesituasjonen (miljøindikator), vil det vera mogleg å auke produksjonen gjennom tilgang på meir areal, utviding av eksisterande lokalitetar, samt endring i produksjonsmetode (postsmolt). Under desse føresetnadene kan regionen ta del i den nasjonale veksten som er ønskjeleg for næringa.

Planframlegget er totalt sett vurdert å ha positive konsekvensar for akvakultur. Planframlegget ivaretek målformuleringa om at akvakulturnæringa skal vere framtidsretta og konkurransedyktig gjennom at næringa blir gitt rom for utviding, og det vert tilrettelagt for ny teknologi.

## **5.Sjøtransport og maritim næring**

### **Delmål sjøtransport og maritim næring.**

Maritim sektor skal ha gode vilkår for utvikling gjennom trygge farleier og hamneområde.

Regionalt viktige næringsområde til sjø må planleggjast i eit langsiktig perspektiv og sikrast framtidige utviklingsmoglegheiter.

### **Konsekvensar av planframlegget:**

#### **Konklusjon:**

Planframlegget ivaretek interessene knytt til sjøtransport og maritim næring gjennom retningsliner, plankart og handlingsplan. Samstundes er sjøtransport og maritim næring teke omsyn til ved arealavklaring for akvakultur. Viktige regionale næringsområde ved sjø er definert i Interkommunal strandsonenplan for Sunnhordland, med supplering av data for Jondal, Kvam og Vindafjord. Desse områda er implementert i planframlegget. Planen legg til rette for at målet om utvikling av maritim sektor gjennom trygge farleier, hamneområde og sjøretta næringsareal vert ivaretatt.

## **6.Strandsona**

**Delmål:** Strandsona skal ivaretakast i eit langsiktig perspektiv som ressurs for lokalmiljøet med fokus på natur- og landskapsopplevingar, biologisk mangfald, friluftsliv og kulturminne. Det er eit mål å ivareta allmenne interesser og unngå uheldig utbygging.

### **6.5 Konsekvensar av planframlegget**

Planframlegget med spissa retningsliner for strandsona ivaretek strandsona i eit langsiktig perspektiv som ressurs for lokalmiljøet. Samstundes opnar planen for utvikling og bruk av strandsona, gjennom ein balanse mellom bruk og vern. Føringsane vil medverke til å unngå uheldig utbygging.

**Vurderingar:**

I dei generelle retningslinene står det i § 2.2.:

Den regionale planen er ein overordna plan, som ikkje fangar opp alle lokale tilhøve. I kommunal planlegging skal føremålsgrenser, arealkategoriar, føresegner og retningsliner tilpassast kommunalt plannivå.

Planen er difor eit grunnlag for kommunen i arbeidet med kommuneplan. Retningslinene i planen balanserer bruk og vern, og gir både handlingsrom og avgrensingar for vidare utvikling av kystsona.

Planframlegget gir totalt sett rom for vekst og kapasitetsauke i akvakulturnæringa. Vidare gir framlegget rom for ny og framtidsretta teknologi, både havgåande anlegg og lukka anlegg i skjerma område. I planen er det lagt inn område for utviding av akvakultur på vestsida av Bømlo, i område frå Espevær og nordover til Hiskjo. Dette er i samsvar med kommunestyret sitt vedtak om at det skal vera rom for vekst og kapasitetsauke i næringa.

Det er ikkje sett av nye areal for akvakultur på land i planframlegget. Etablering av nye landbaserte akvakulturområde må difor vurderast i kommuneplanarbeidet i kvar einskild kommune.

I revidert plankart er alle akvakulturområde som er med i kommuneplanane teke inn i plankartet for Regional kystsoneplan. Dette gjer at plankartet no gir ein betre oversikt over eksisterande akvakulturområde og areal for utviding.

Etter rådmannen si vurdering gir revidert framlegg til regional kystsoneplan for Sunnhordland og ytre Hardanger eit godt grunnlag for å sikre ei berekraftig forvaltning av sjøareal og strandsona i planområdet.

**Oppsummering og konklusjon:**

Forslag til regional kystsoneplan for Sunnhordland og ytre Hardanger var på offentleg høyring i perioden mai til oktober 2015. Kommunestyret i Bømlo gav høyringsfråsegn i møte 28.09.2015 sak 67/15.

Fylkeskommunen har arbeidd vidare med planframlegget og revidert planframlegget er sendt ut på ein avgrensa høyring til kommunane i planområdet. Høyringsfristen er 29.03.2017.

Rådmannen meiner at revidert framlegg til regional kystsoneplan for Sunnhordland og ytre Hardanger gir eit godt grunnlag for å sikre ei berekraftig forvaltning av sjøareal og strandsona.

Han har difor ingen merknader til planframlegget slik det no ligg føre.